

SCRIPTVM VERVM, AC BREVE,
 causas continens, cur Inclyta Natio Ger-
 manica Bononia secesserit, ex quibus
 prudenti Iudici facile parebit,
 quàm iustè, ac humaniter, Pe-
 trus Donatus Cæsius
 Episcopus Nar-
 niensis,

EIVS VRBIS PRAESVL, CVM QVI-
 busdam ex Germanis egerit: ædita totius Nationis,
 quæ tunc Bononiæ fuit consensu, sicut ex no-
 minibus propria manu ipsi originali à
 quolibet eius Collegii Germanici
 subscriptis, satis constat.



M. D. LXII.

NNI iam sunt plus minus ostin-
genti, quibus inclyta natio nostra
Germanica in hac celebri Italiae vr-
be Bononia floruit, & optimarum
artium studijs magna cum laude ad
hæc vsque tempora incubuit, Eius rei histo-
riæ nobis fidem faciunt, quæ Carolum Magnum
Longobardis profligatis huius Academiae Bono-
nienfis à Theodosio minore, vt vulgo creditur,
fundatæ: instauratorem fuisse testantur. Atque
tum nostram nationem hic optimis legibus con-
stitutam fuisse: & ratio probabilis, & annales
nostri liquido confirmant. Tanto ergo tempo-
re nationi nostræ Germanicæ non modo ab inco-
lis & ciuibus huius vrbs: verumetiam summis
Pontificibus & Romanorum Imperatoribus qui
eam egregiis ac amplissimis præ cæteris ornarunt
priuilegiis: magnus semper honos est habitus.
Hoc cum ita sit et nemo inficias ire auit: quo
animo nunc simus, quo'ue dolore afficiamur:
quod eam urbem, quæ semper Germanis omni-
bus domicilium præbuit, quæ summo eos fauo-
re & humanitate prosequuta est quæ item nos,
nostrosque maiores optimis ac humanæ societa-
ti salutaribus artibus erudiit: quibus patriæ ho-
nori ac emolumento extiterè, & deinceps exti-
turos credimus hanc inquam Urbem quod nunc
relinquere cogamur: quam id nobis acerbum &
grauē sit prudens quisque & æquus rerum æsti-
mator faciliè iudicare poterit. Non enim ex iuue-
nili quodam impetu, rerum nouarum studio, aut
iracundiæ calore: quod hominum esset imperito

rū & parum de se cogitantium : sed iustissimis de
causis, acerbissima affecti iniuria, hanc ab vrbe
Bononia secessionem suscepimus: cuius facti no-
stri non tantum nobilissimi & summa virtute præ-
ditos vrbis huius ciues: verum etiam alios in Ita-
lia & Germania communi patria nostra, cuius-
cunque ordinis aut status fuerint homines, si rem
ipsam cognouerint, habituros nos Iudices æqui-
simos certo confidimus. Ideoque diligenti in-
ter nos habita deliberatione: cum nulla alia ra-
tione, spreto iam ac violatis privilegiis nostris,
ipsa etiam denegata iustitia, cuius nos cultores
in Symbolo nationis semper professi fuimus: ac-
ceptam iniuriam vindicare nos posse videremus:
nisi hac ipsa quam instituitur migratione no-
stra: visum fuit omnibus nobis ac singulis, cau-
sas eius nostri consilii publico scripto cunctis
mortalibus notas facere: ut sic nostra innocentia,
& summa Præsulis huius vrbis in dicendo iure
acerbitas, penitus imotescat. Quo autem me-
lius id fiat, factum ipsum prout in rei veritate le-
habet, & multis ex Bononiensibus non est inco-
gnitum, simpliciter absque vllō Rhetorico fūco,
quem causæ nostræ bonitas minime desiderat,
prius narrandum duximus. Inuitat nos ad
conuiuium Vir nobilissimus, nationis nostræ Pro-
curator: nam Romam altero die ire in animo ha-
buit. Ibi cum per horas aliquot fuisset: duo
ex nostris, quorum alter Procuratoris fuit colle-
ga: (duos enim natio nostra Procuratores ma-
gistratus loco habere solet.) alter itidem nobi-
lis, & non multum antè eodem officio functus, ce-
na

na finita, iusto tempore cū ministris suis domum
ituri, & iam ædibus vix egressi, in Ciuitatis cu-
stodes incidunt? iūque irritati iam erant facto cu-
iusdam nobilis Germani, qui prouocatus multis
conuiciis hora antè, Italum infimæ sortis homi-
nem leuiter vulnerat, nobis omnibus huius rei
ignaris. Vulneratus de iniuria (vt is opinaba-
tur) apud Vigiles fuerat conquestus, qui pleni
vindictæ, pleni furoris ac iracundiæ, in nobiles
duos domo iam egressos strictis ensibus, hastis,
bombardis, aliisque armorum generibus impe-
tum faciunt. Primum arma à Procuratore na-
tionis importunè exigunt, mox ambos, vt capti-
uos comprehendunt. Illi se tuebantur priuile-
giis à summis Pontificibus, & inuictissimo Caro-
lo V. Romanorum quondam Imperatore nostræ
nationis Procuratoribus indultis, quibus pote-
statem sibi gestandi arma iam duranti quam fini-
to ipsorum officio, non de die tantū verum etiam
noctis tempore concessam contendebant. At
frustra id fuit, quin eos cum in carcerem ire relu-
ctarentur, (quod sibi ignominiosum ducebant,
præsertim cum nihil deliquerant) indignis tra-
ctarunt modis, ipsum etiam procuratorem tra-
ditis iam armis non absque periculo vulneran-
tes. Quid sit? clamorem ac tumultum alii qui
in ædibus ex conuiujs relictī erant, exaudientes,
cum armis mox domo profiluerunt, aliud nihil
cogitantes, quam sociis & conterraneis à latro-
nibus quibusdam aut Sicariis vim fieri. Aliter
enim iudicare haud poterant, eò quod ante pau-
cos menses ex Germania huc venerant ignari
linguæ

linguæ, ignari morum huius gentis. Fuit tum
inter eos iuuenis nobilis, ingenio & manu prom-
ptus (qui alter ex duobus fuit miserabili modo
qui supplicio ut post dicitur affecti sunt) hic in-
dignum persona ac maiorum suorum virtute iu-
dicans: & Procuratorem nationis nostræ: & ami-
cum intimum ac conterraneum in summis angu-
stiis & vitæ discrimine constitutum deserere: vi-
rili ac magno animo furiosos vigiles est aggressus
lanceam vni ex iis manibus extorsit quosdam
in fugam coniecit, & Procuratorem eiusque so-
cium è manibus illorum eripuit. At cum isti bom-
bardis rem tentare inciperent & duabus iam vi-
cibus magno cum nostrorum periculo globos eia-
culati essent: tum non integrum nostris est visum
diutius illorum nocendi sustinere rabiem: & il-
lico ad ædes se tanquam vltimum refugium iusta
cum animi indignatione recipiunt. Sicq; tunc
finis eius fuit tumultus. Nostri post id dormi-
tum se conferunt, sequenti die consiliū ex re ipsa
capiunt, ut nempe de vi & iniuria sibi ab iniustis-
simis hominibus illata apud urbis huius præsulē
Petrum Donatum Cælium Episcopum Narni-
ensem querimoniam facerent. Verum vigilum
præfectus, quem Bariselum vocant, tempore eos
præuenit: domum in qua nostri erant cum ar-
mata multitudo prima luce est ingressus: seue-
re mandans Præsulem accederent, sententiam
auditori ob præteriti diei excitatum tumultum.
in quo non grauatim obedientiam ei præstiterunt
freti conscientia recti, quod nihil se pœna di-
gnum commisisse arbitrarentur. Palatium Præ-
sulis

fulis ubi sunt ingressi ē vestigio in carcerem ut
irerent præter omnem eorum opinionem est eis præ
ceptum. Sed & famuli cum dominis captiui ab
ducti fuerant: ex quibus vnus torturæ est subie
ctus, quæstio de illo habita, quid verò confessus
fuerit nemini adhuc ex nostris est cognitum. Sic
itaque Iuvenes nobiles decem numero per hor
ram in carcere cum fuerant detenti, sententiam
à Præsule tulerunt: profectò omnis in humani
tatis, omnis seuitiæ ac acerbitatis plenam, ut
duobus exceptis Barone & nationis altero Pro
curatore, quod Cardinalibus hos sanguine de
nuntios acceperat: ignominioso supplicij genere
quod vulgo Chordæ tractum vocât, afficerentur:
idque causa inaudita nullo iudicii processu ser
uato: quin etiam magis quod dolendum erat,
inter hos quidam eodem iudicio quod sunt con
demnati, qui dum quieti se tradiderant huic tu
multui ne quidem interfuerant. Tandem am
plissimi huius Urbis Senatus, Magnifici quoque
Rectoris, ac aliorum Clarissimorum Virorum in
tercessione factum, sex ex iis poena ut remittere
tur (septimus enim qui Procurator nationis,
iam manibus illorum euaserat, nec cum reliquis
in carcerem fuerat abductus) Sed pro reliquis
duobus, inter quos & ille quem antè forti animo
urbis custodibus se opposuisse diximus: alter ve
ro ne verbo quidem quenquam offenderat: nulla
atrocis sententiæ mitigatio vllò pacto impetra
ri potuit. quantumuis magna pro iis nihil pror
sus meritis pecuniæ fuerit summa oblata: nec va
luerunt tunc nomine eorum preces, nec paren
tum

tum nobilium commendatio, nec Illustrissimorum Principum nostræ patriæ mentio, verum nulla interposita mora, summa cum festinatione, neutro ad dicendam causam suam admissio, ut omnis defendendi se præscinderetur facultas: ad supplicium inusitatum, scolasticis præsertim, quorum nemo post hominum memoriam simile quid in hac ciuitate fuit expertus, in loco publico, & conspectu magnæ partis Ciuitatis, exutis vestibibus, ingenti omnium spectatorum commiseratione, summo duorum Iuuenum & nationis inclytæ probro ac ignominia iniuste ac crudeliter sunt abrepti. Causa quæ sit facile apparet, nec dubitamus, quin omnes, qui factum hoc prout exposuimus intellexerint, statim iudicaturi sint, quod attinet Iuvenes istos ac nationem nostram iura omnia diuina ac humana, tam legibus Ciuilibus comprehensa, quam communium hominum consuetudine introducta, inhumaniter admodum, atque superbe (ne quod grauius dicamus) contempta ac violata esse, id quod facile obtinere & cuius etiam rigidissimo iudici perspicuum facere possumus. Nam si quis facti de quo agimus, causam seu occasionem considerauerit, & processum iudicii ad executionem usque sententiæ cum nobis seruatum examinauerit, hic si mente fuerit sana præditus, & iustitiâ amauerit, cito animaduertet, nobis etiam nulla de hac re amplius verba facientibus, & causam nos habere iustissimam, & summa iniuria esse affectos. Vulnerauit nobilis iste cuius antè facta est mentio, hominem personatum incedentem, ipsum nulla data

data causa supra modum conuiciantem, qui id apud vigiles fuerat conquestus: Aliquid hoc esse fatemur, & demus magnum sit, eò quod rectius fecisset, si hominem impurum ac Sycophantam neglexisset, de quo nunc nò disputamus, nec eius facti patrociniū suscipimus, hoc tantum in hac causa quærimus, iustum ne sit, rationi, legibus diuinis atque humanis consentaneum, vt quod alius deliquit, id luant isti, qui sint innocentissimi, qui nihil deliquerint, neminem nec re nec verbis læserint? Si hoc iustum est, profectò quid ius sit ignorare nos, & malè à Clarissimis huius Academiae iureconsultis præceptoribus nostris (quod impium est dictu ac inhumanum) nos institutos apertè nobis fatendum esset: Sic enim ab iis accepimus & legibus scriptum meminimus: pœnam ibi esse vbi noxia est, & peccata suos tenere authores debere, ne vltèrius progrediatur metus quàm reperiatur delictum. Hoc cum ita sit, quam quæsumus causam prætendent iniustissimi vigiles, quod nostros sunt Procuratores aggressi? quod confectos vulneribus in carcerem abducere voluerunt? quod contra priuilegia à summis Pontificibus ac Imperatoribus concessa, armis eos ac vestibus spoliarunt? istud equidem facinus rectè si urbis Præsul atque prudenter agere voluisset, grauius multo estimare debuisset, quam hoc, tantopere verbis quod exagerrat: Urbis nempe custodes etiam iniustissime agentes neutiquàm offendendos esse: Si non alias minus esse delictum iudicauerit contra summorum Pontificum & Imperatorum priuilegia, con-

tra omne ius fasq; in homines innocentes seuire,
quam hominum flagitiosorum petulantia ac li-
bidini se opponere. Domo nobiles duo eg-
gressi ilico ad imperium vilissimorum hominum
arma tradere sunt coacti, nec id satis, sanctum
nihilominus armis, Bombardis, pugnis, in eos-
dem Germanos nostros nequicquā ad priuilegia
sua prouocantes. An non iustius fuisset arma ijs
relinquere, de facto quod isti prætendunt ab al-
tero germano commissio, amice cum illis agere,
cum scirent se Ciuitatis custodes non latrones
aut sicarios à magistratu esse ordinatos? At hic
nobis obiiciat aliquis, genus id hominū nō omnia
ita considerate quod prudentiores solent agere
posse, multum propter imperitiam ijs esse con-
donandum? sit hoc ita sanè (quanuis hæc qui-
dem lenitas ad multas nequicias fenestram pa-
tesceret) at rursus decebat ne Præsulem id eo
melius considerare? qui iudicis officio fungitur,
discrimen nouit inter id quod iustum & id quod
iniquum, vnde & iusticiæ administrator dicitur,
huic certè conueniebat antequam de nobis ini-
quissimam indicta causa ferret sententiam, prius
supplicium de suis istis lictoribus sumere, qui
contra æquitatem naturalem contra priuilegia
Procuratoribus nostris data, vim iniuste nobis
intulerant, aut si vsque adeo benignus ac lenis
in suos esset, omnia vt ipsis impune permetteret:
in nobis tamen Germanis & hominibus exteris,
seueritatem suam ostendere non debuisset, qui
alias insigni antè eramus iniuria affecti.

Sic ergo firmiter nunc persuademus nobis ne
minem

minem esse, veritatem qui amet, mendacia ac calumnias qui detestetur, vt non existimet, & nullā occasionem vigilibus datā tanta vt rabie nos aggrederetur, & Priuilegia nostris Procuratoribus concessa iniuste à Præfide ac lictoribus eius violata esse, quo quidem concessio, quod certè concedere cōscientia eorū (si modo aliquis conscientia in iis est stimulus) conuincente illos, omninò cogentur, sequetur & necessario alterum, summam scilicet nobis iniuriam factam: idque fuit quod primo probare loco, nostri fuit instituti. De facti itaque causa & prima nobis iniuria illata quanta cum breuitate fieri potuit, haftenus diximus, reliquum est vt agamus de aliis, qui occasione quadam defendendi suos huic tumultui interuenerunt.

Custodes Ciuitatis supra commemoratum est dum ante fores cum duobus domum ire volentibus tumultuarentur, clamor & armorum strepitus intus ab aliis est exauditus, qui commouit eosdem laborantibus ad subueniendum, vt ex ædibus errumperent; quorum in numero duo fuerunt iuuenes ad iniustum qui supplicium postea sunt rapti, alter quia valetudine impediabatur, anxius tragœdiæ erat spectator, alter fortiter cum lictoribus dimicando Procuratorem & amicum periculo liberauit, quod vtrum laude ac venia, vtrum vero reprehensione & supplicio dignum sit, non difficilis esse diiudicationis existimamus. Nam siue honestatem quis spectet, siue famam ac existimationem quam Vir bonus nunquam neglexit consideret, siue deniq; vtilitatem

eorum, qui in summo vitæ periculo uersabantur
animo expendat, quid honestius? quid utilius?
quid laudabilius? quàm hominem amicum,
conterraneum, nationis suæ Procuratorem, quem
magistratus obseruat loco, & hunc ipsum cum
nefariis hominibus magno cum uitæ discrimine
conflitantem defendere, huic opem ferre, ex
manibus hostium eripere, hoc per Deum immor-
talem non pœna dignum, sed summa cum virtu-
te & laudè coniunctum dicimus, quod & ratio
dicat naturalis, omnium hominum rectè sen-
tientium mentibus insita, & omnium benè con-
stitutarum Ciuitatum statuta ac consuetudines
liquidò comprobât. Verissimum enim est, quod
grauiter Cicero in libris suis de officijs disserit,
iniustitiæ inquiens duo sunt genera, alterum
eorum qui inferunt, alterum eorum qui ab
ijs quibus infertur, si possint, non iniuriam
propulsant, qui non defendit nec obstitit si
potest iniuriæ, tam est in vitio quam si parentes
aut amicos aut Patriam deserat, cuius quidem sen-
tentiæ si aliqua veritas, ut omnium prudentū cal-
culo maxima est, certè in nostra proposita cau-
sa, eam imprimis locum habere nobis persuade-
mus, qui in peregrinis à natali solo lōgè remotis
locis degimus, omniq̃ue nostrorum subsidio su-
mus destituti, à quibus magis hoc officium requi-
ritur, inuicem ut nos, si vsus veniat, defendamus.
non enim tantum esse dedecus existimamus apud
suos amicum indefensum relinquere, licet & id
maximum sit, quam apud externos, quos non tan-
topere aduenarum, quàm suorum hominum affi-
cit

cit calamitas. neque vero Iuuenis egregius aliter agere honestè aut potuit aut debuit, quam ut corpus proprium amici causa, quem neminem lœsisse in minimo sciebat, furori ac insanix licitorū obiceret, nisi infamix macula uitā q̄ integrā ac ab omni labe illibatā à prima adolescētia sua seruare studuit, nūc turpiter & generis & nominis sui oblitus aspergere uoluisset. Itaq; si amicum defendere iustum ac laudabile est, quis uirtutis amans hunc iuuenem incusabit, quod non amicum tantum, sed amicum & conterraneum, ac quod laudabilius est, nationis nostræ Procuratorem magistratum suum in summis periculis constitutum deserere noluerit? ob quam egregiam animi fortitudinem ab omnibus Viris bonis merito laudibus est efferendus. Verū enim uero facilè nunc credimus non defuturos nobis maleuolos aliquot eos potissimum, quos nationi nostræ parum propitios iudicamus, qui obijcient nobis nefas esse & capitale delictum Prætoris cohortem offendere, eamq̄ue ob causam rectius hunc nostrum fecisse, si permisisset vigilibus cum duobus captiuis omnia prolibitu eorum, quæ vellent facere, si quid malè egissent Præfulis post esse implorandum officium. Egregia sanè hæc esset libertas, quæ improbos in malitia armareret sua, & hominibus profligatæ vitæ ac fidei, quales hic sunt iidem vigilēs, ab omnibus qui pro infamibus habentur, facultatem, dum nemo resistere auderet, quiduis agendi permetteret, & calamitate accepta iudicis, ne quicquam iuberet, demum implorare iusticiam. Nam si locum unquam habuerit

illud, quod ferè nunc in prouerbiū abiit, inter arma scilicet silere leges & quod non iubeant se expectari, cum ei qui expectare velit, ante iniusta sit poena luenda, quam iusta repetenda: certè illo tempore quo in licitorum manus nostri inciderunt quam maximè id verum esse credimus, vbi ea fuit nostris imposita necessitas, vt aut fortiter resistendum vigilibus, aut contumelia visq; ingens à pessimis hominibus fuerit perferenda: hoc enim si non fuisset nunquam vsque adeo feroces videri vellemus, factum huius Iuuenis ut purgare studeremus: qui alias id scimus, & Republicæ vtile agnoscimus, isti generi hominum cui Ciuitatis custodia committitur, non absque causa uel temere esse resistendum: Verum id ita tamen fatemur, rectè si agant, publicam si tranquillitatem tueantur, nulli si vim & iniuriam inferant: eos quidem si limites exceßerint, & innocentes, per Ciuitatem tranquille euntes, neminem lædentes, (quod uerè de duobus domo egressis, Deo ac conscientia nostra attestante intrepide affirmare possumus) armis inuaserint, manus iniecerint, vulnerarint, captiuus abduxerint: hoc si fecerint, tunc iis non vt urbis custodibus, Ciuium ac corporum nostrorum protecto-ribus: sed vt truculentis hostibus, insidiatoribus uitæ bonorum & uiarum publicarum obsessori- bus, etiam iudicis non requisito officio, quod propter moram alteri esset damnosum, iis resisti, & uim illatam à se repelli posse iure optimo asserimus. quæ enim ratio huic nostræ aduersa ualere potest? quam ea lege custodes ordinatos, ho-
mines

mines ut tueantur, nulli iniuriam faciant: huic muneri si quid contrarium committant, fieri non potest custodes ut amplius nominentur. Quid? quod iura nostra ad quæ omnes hominum actiones tanquam certissimam Iustitiæ normam sunt referendæ, concedant unicuique tam sua quam aliorum causa aduersus quemlibet Iudicem, etiã Regem, de facto extraiudicialiter (ut iuriscōsultri & Doctores nostri loquuntur) iniuste procedentem defensionem suscipere, quin etiam iniuste condemnatum, aut in uincula coniectum impunè ex carcere & manibus familiæ (uerba ut Doctorum retineam) eximi posse: id quæ imprimis amicis & consanguineis eius, qui uim iniuste patitur, aut captius detinetur facere est permissum. hocq; eo magis Scholaribus indultum, ita ut si uni ex iis qui simul habitant iniuria facta fuerit, omnibus eadem facta censeatur, & in eorum omnium contemptum ut quilibet ex iis iniuriarum actione agere possit: ut hoc multis euidentissimis rationibus & legibus, diuinis & humanis iurisperiti demonstrant, quorū omniū allegare sententiās, quia Doctis notissimæ sunt, scripti huius forma haud patitur. Atque hæc quidem firmissimis quæ legibus & rationibus nituntur, iustissimam præberent nobilibus Germanis nostris excusationem, etiam si vigiles eos esse tumultus tempore sciuisent. Sed his quæ adduximus legum beneficiis, parum adhuc aut nihil quidem nostri indigent: Siquidem cum uigilibus iis negotium esse penitus ignorarunt: id quod uerisimile & rationi conueniēs uidetur: cum latronum

ac hostium non vigilum more illos cum duobus
ex nostris agere animaduerneret; cui & illud ac-
cedit quod antè diximus: linguæ scilicet Italicæ
& consuetudinis huius terræ quod fuerunt im-
periti, quæ quidem ignorantia illorum extra om-
nem eos culpam constituit: quippe quod & hoc
iure nostro obtineat, vt familiæ Prætoris etiam
iuste exequenti de facto (vt loquuntur) resisti
possit, si quando ea per Signa (qualia hic non vi-
gilum sed latronum fuere) non cognoscat. Sa-
tis ergo & alterum, nullam nempe culpam in iis;
qui vigilibus ad defendendum Procuratorem
se opposuerunt, residere, iam abunde demonstra-
tum iudicamus. Nunc de iudicii processu à
Præsule urbis nobiscum seruato quædam quasi
tertio defensionis nostræ loco dicenda forent:
quæ & multum causæ nostræ roboris adderent:
si nō vereremur, ne etiam dum necessaria tantum
attingimus, multa alia silentio præterimus, nihi-
lo minus videamur à quibusdam id nos agere, id
operam dare, causam vt nostram argumentis qui-
busque & rationibus hinc inde conquisitis me-
liorem reddamus: non hoc nostri est consilii, sæ-
pius vt iam antè dictum, diffidere enim de cau-
sæ nostræ bonitate non possumus, quæ ex solo
facto, omni verborum ornatu, (de quo nihil hic
sumus solliciti) neglecto, à quouis ratione prædi-
cto percipi atque diiudicari potest. Et si quæ
præterea à nobis argumenta in medium adferun-
tur, eam habent rationem, quod singulæ circum-
stantiæ quæ ad causæ plurimum faciunt cogni-
tionē, nudæ narrationi includi nequeant. Aliud.

si nobis anſmo eſſet propoſitum, verba in hac tam
iuſtiſſima re nunquam nobis eſſent defutura.
Quis enim non videt quantus dicendi campus
aperiretur ei qui de iudicii proceſſu quem Præ-
ſul nobiſcum inſtituit verba facere cuperet? In
carcerem coniecti ſunt innocentes Iuvenes, &
in ipſo temporis puncto nemine audito, aut ad
defendendum ſe admiſſo, ad horrendum ac igno-
minioſum ſupplicium condemnati: in quo quan-
ta ſit iniquitas vix verbis poteſt exprimi: quis
hanc Præſulis & Episcopii iniudicando non repre-
hendet vehementiam? quis non ius gentium
quod cuilibet ſine discrimine deſenſionem per-
mittit, & indiſta cauſa quem condemnari verat:
ab eo turpiſſe violatum affirmet? quis non ex
acerbo erga inclytam nationem noſtram odio
ita pronunciatum exiſtimet? nam aliter ſi af-
fectus fuiſſet, hoc procul dubio cogitaſſet: Iuvenes
iſtos nobili eſſe loco natos, ex honeſtis & clariſ-
ſimis Parentibus qui prudentia ſua atque virtute
illuſtriſſimis imperii electoribus ab intimis eſſent
conſiliis (quod etiam indicatum ei fuit) eſſe itē
exteros eodem & ob id maiore humanitate com-
plectendos, non nimis temere aut ſeuere quod
ab Episcopii eſt alienum perſona, cum iis proce-
dendum, non tantum fidei viliffimis hominibus
Ciuitatis cuſtodibus habendum, vt illorum cau-
ſa ab eo quod iuriſgentium, quod conſuetudi-
nis apud omnes homines vellet recedere. hoc
ipſum iniuſtum eſſe, legibus diuinis & humanis
aduerſum quilibet vir bonus fatebitur. Attro-
citatē vero Præſulis ſententiæ auget & illud,
C quod

quod dum inaudita causa absq; v llo iudicii pro-
cessu iniustam tulit sententiam, quosdam etiam
ex captiuorum numero, qui ne quidem ei tumultu
interfuerunt, ad idem supplicii genus condē-
nare non dubitarit: idque ex errore quodam si-
quidem nimia ira præceps, tempus sibi sumere
haud potuit, vt qui inter fuissent cognosceret:
Sicq; eodem modo tractu chordæ puniri voluit,
nationis nostræ Procuratorem quod hunc fuisse
suspiciabatur qui Italum vulnerarat. Diligen-
tissime namque & hic inter captiuos ac alibi que-
situs eandem ignominiam sustinuisset: nisi singu-
lari præpotentis Dei beneficio & amicorum quo-
rundam vigilantia in locum tutissimum fuisset
abductus. hunc errorem altero die post excita-
tum tumultum vigilum præfectus in præsentia
multorū germanorum fassus est: & Præsul & Au-
ditor criminalis uix persuaderi potuerunt alium
quam Procuratorem qui Italum offenderat exti-
xisse: Sicut & hi re melius cognita postea sunt
confessi, multi vt nobis ex Ciuibus Bononiensi-
bus Viri nobilissimi retulerunt. Hanc vero in
iudicando præcipitantiam, persona iudicis indi-
gnā existimamus, quem non ira ac odio ita æstua-
re decebat, ita animi moribus obrui, ut in iudi-
cando id ei accidat, quod omnes Iudices consi-
derati cauere solent, ne se hac uoce tueri cogan-
tur NON PVTARAM: quæ nunquam
prudenter est habita oratio. Rectius & modera-
tius egisset ad breue tempus sententiam si distu-
lisset, non eodem horæ puncto, si quid deliquis-
sent ad supplicium rapi permisisset: præsertim
cum

cum sciret eos non homines sordidos, aut uilissimarum operarum ministros, sed Scholasticos esse, peregrinos, claris Parentibus ortos: ita ut re bene deliberata & culpa poenes quos esset cognita iudicandum fuisset: neque enim metus ullus adfuit quasi aufugere possent cum carcere firmissimo eos teneret conclusos: hominum cum nihil quæ ad legitimum iudicium spectant in nobis cõdemnandis fuerit seruatum, quid aliud cogitare possumus quamdiu ipsum acerbum erga nostram nationem aluisse odium: & iam cum leuissima ei in nostros sentiendi fuerit oblata occasio, eam nullo pacto negligendam duxerit. Sicque absque cunctatione supplicio nos afficere uoluisse ne si innocentia nostrorum & iniuria uigilum detecta fuisset, Præful non ita cum aliquo iusti iudicii prætextu, diu collectam in nos effundere bilẽ posset. aliud ut cogitemus haud facere possumus: dum hora eadem qua in carcerem nostri detrusi sunt etiam ad supplicium ducti fuere. Hic nunc iterum obtestamur, monemus, obsecramus omnes ubicunque locorum homines, qui iustitiam amant, iniustitiam odio prosequuntur, expendant rem ipsam, nihil affectibus indulgeant, iudicent, sit ne hoc boni Episcopi & iusti Iudicis officium? ita contra æquitatem naturalem, contra rationem iudiciorum, contra omnia scripta & non scripta iura, tanta asperitate uti aduersus innocentes, peregrinos, tam uili astimare aut contemnere ordinem nostrum Scholasticum, qui in magno honore omni tempore à summis mundi monarchis est habitus, cui multæ à Ro-

manorum imperatoribus & summis Pontificibus
prærogatiuæ præ cæteris hominibus sunt
concessæ, quo maior apud alios huius nostri or-
dinis esset dignitas. QVIS ENIM NON
MISEREATUR INQVIT FRIDE-
RICVS IMPERATOR NOSTER
EORVM QVI AMORE SCIEN-
TIÆ EXVLES FACTI, DE DI-
VITIBVS PAUPERES, SEMET-
IPSOS EXINANIVNT, VITAM
SVAM MVLTIS PERICVLIS EX-
PONVNT, ET A VILISSIMIS
HOMINIBVS, QVOD GRAVI-
TER FERENDVM EST, CORPO-
RALES INIVRIAS SINE CAV-
SA PERFERVNT, & quæ alia in ea-
dem constitutione priuilegia Scholarium illu-
stria recitantur, summum quæ Imperatoris er-
ga ordinem nostrum fauorem declarant; agno-
scit enim summus mundi monarcha ex numero
nostro Scholastico prouenire illos qui doctrina
ac prudentia sua imperia, regna, ac Respublicas
regunt atque gubernant, fatetur eosdem litera-
rum studio hoc est virtutis amore multa subire
pericula; multa tollerare incommoda, magnos
facere sumptus, patriam dulcissimam, parentes, ami-
cos & quicquid præterea domi charum atque incun-
dum relinquere. ideoque illos dignos maiesta-
tis suæ dilectione, dignos omni fauore, dignos
quorum misereatur, & quorum patrocinium ad-
uersus iniurias uilissimorum hominum; qui lite-
ras earumque cultores odio habent, suscipiatur,
&

& id quidem merito agit, consideret modo quis
Scholarium conditionem paulo diligentius, eor-
um imprimis qui ex remotissimis nationum alie-
narum locis sunt oriundi, deprehendet facile
quantis periculis, quam multorum fraudibus,
blanditiis, astutiis, dolis ac technis sint expositi.
At hic noster Præsul nihil horum in Scholasticis
agnoscit, licet & ipse huius ordinis quasi Anti-
stes dici ac uideri velit: cuius enim hic misertus
est ex nostris? quorum preces lachrymis mixtæ
ad misericordiam ipsum commouere potuerunt?
ut parceret nobilibus Iuuenibus Principum eo-
rum & parentum clarissimorum causa, cum tot
illustres ac nobiles Viri, ex amplissimo Bononiē-
si Senatu pro iis deprecarentur: cum ipse supre-
mus Scholarium magistratus, Magnus ac ge-
nerosus Iuristarum Rector precibus & interces-
sione sua animum iratum Præsulis flectere cona-
tus est nihilq; obtinuit: tantus fuit ardor in Præ-
sule, tam ingens cupiditas de Germanis summen-
di supplicium, & animum nimia ira ob ingens
odium feruentem, horum ignominia satiandi.
Ornarunt item multis splendidissimis priuilegiis
nationem nostram Germanicā summi olim Pon-
tifices & Imperatores, & inter eos Clemens VII.
Carolus V. Romanorum Imperator: eadem pri-
uilegia ab horum successoribus continuato ordi-
ne, & recenter à Papa Pio III. sunt confirmata,
aliaq; de nouo ex singulari erga nationem nostrā
clementia superaddita (vt priuilegiorum exem-
plaria infra posita testantur) ubi inter cætera Pro-
curatores nostros durante illorum officio in sum-
mo

mo dignitatis gradu esse voluerunt: vt & Comites Palatii Lateranensis dicerentur horum priuilegiis gauderent, quem quidem honorem non minimum hic esse omnes norunt. At Præsul Bononiensis alio illos more honorare cogitat: dum alterum nationis nostræ Procuratorem, virum nobilem, nihil meritum chordæ tractu punire statuit, nisi fuisset à nostris abductus vt hoc ipso nationem nostram eiusq; magistratus apud vulgus magis contemptibiles redderet. hæc nimirum sua iniquitate, non nobis tantum insignem fecit iniuriam, verumetiam summorum Pontificum ac Romanorum Imperatorum maiestatem grauius læsit, dum priuilegia ac diplomata eorum quæ merito sancta ac inuiolabilia apud omnes esse debebant, superbè cōtemnere, & pro rebus nullius momenti eadem habere nihil fuerit veritus. Hæc ergo nostra sunt priuilegia, tanti hic æstimantur, hæc summorum Pontificum auctoritas, hæc Imperatorum maiestas, hic honor nostri ordinis; hæc humanitas erga Scholares, erga homines externos, & quidem Germania oriundos: ob quæ meritò Scholastici Germani & aliarum nationum, hoc potissimum Præsule Rempublicam gubernante Bononiam se conferre debebant: eadem vt humanitate qua nostri tractarentur: Cuius quidem voti facillè fierent compotes, si per tempus aliquod hic commorarentur: experiatur modo cui sic visum fuerit. nunquam ex Scholasticis quisquam id ignominiosum supplicii genus sustinuit, id quod vno ore omnes in hac Ciuitate fatentur: à nobis vero Germanis, quos

quos propter modestiam magno se complecti fa-
uore antea sæpius Præsul dixerat, huius facere
crudelitatis initium placuit. Sed ut initium à
nobis factum, ita finem iniquè in eosdem seuien-
di futurum; certò speramus. neque ullo modo
commitemus, ut reliqui Scholares Bononienses
quorum uirtutem, singularem humanitatem ac
mansuetudinem, tempore quo fuimus coniuncti
sæpius summus experti, & nunc seiunctionem
nostram ab ijs animo ferimus iniquissimo: ut isti
Commilitones nostri nobilissimi de nobis con-
queri possint, quasi contra ordinis nostri Priuile-
gia, hanc nobis factam ignominia supina quadã
ac detestanda paciẽtia dissimulare vellemus: Sicq;
eadem illis quæ nobis aliquando fieri posset vis
& iniuria. tale eorum graue de nobis iudicium
quo nos inconstantia ac leuitatis meritò accu-
sarent, caueamus quantum possumus: & cum
exteri hic simus, & ob id Præsulis potentia non
valeamus nos opponere, ne atrociora nobis sint
mala expectanda: vindictam aliam Deo iusto re-
linquemus iudici, & contenti nuuc erimus libe-
ra hac querimonia, apud inuictissimum ac Au-
gustissimum Imperatorem nostrum, & alios illu-
strissimos Imperii Principes, ad quos hoc scrip-
tum perferri curabimus, qui dubio procul hanc
nobis factam iniuriam, eo quo solent subdito-
rum suorum calamitatem ferent animo. Qua-
re cum priuilegia nostra sint violata, cum iustitia
denegata, cum infantes ignominia affecti. exem-
plum aliis qui eandem hic fortunam expectare
cogerentur, relinquemus: Atque quod felix
ac

ac faustum sit nobis nostrisque posteris, ex hac
vrbe cum priuilegiis à summis Pontificibus ac
Romanorum Imperatoribus nationi nostræ in-
dultis, cum fisco ac reliquis ad eum pertinenti-
bus, in alia loca vbi ius æqualiter cum alijs nobis
reddatur, migrabimus: idq; ita tamen faciemus,
vt clarissimorum Præceptorum nostrorum, à qui-
bus innumerabilia beneficia accepimus, illustriū
ac nobilissimorum ciuium Bononiensium, qui
nos nostrosq; maiores multis annis summo cum
fauore sunt persecuti, & reliquorum nostri ordi-
nis, virtutem, fidem, integritatem, mansuetudi-
nem, & beneuolentiam erga nationem nostram
quocunque locorum quemlibet ex nostris fortu-
na esse voluerit, grato pectore iucundaque me-
moria perpetuò semus celebraturi.

**Exemplar priuilegii CAROLI V. Imperato-
ris, concessi Nationi nostræ inclytæ & confir-
mati ac aucti à summis Romanorum Pontifi-
cibus: & recenter etiam à Papa Pio III. vt ex
subiecto diplomata satis constar.**

AROLVS Quintus, Diuina fauente Clementia, Romanorum Imperator semper Augustus, ac Germaniz, Castellæ, Legionis, Arragoniæ, Vtriusque Siciliæ, Hierusalem, Hungariæ, Dalmatiæ, Croatiæ, Nauaræ, Granatæ, Toleti, Valentiz, Galitiæ, Maioricarum, Hispalis, Sardiniz, Cordubæ, Corsicæ, Murtiz, Giennis, Algarbii, Algerizæ, Gibraltaris, Insularum Cannariæ &

C Indiarum ac Terræ firmæ, Maris Oceani, &c. Rex, Archidux Austria, Dux Burgundiæ, Lotaringiæ, Brabantiz, Stryiæ, Carinthiæ, Carniolæ, Lymburgiæ, Lucemburgiæ, Geldriæ, Callabriæ, Arthenarum, Neopatriæ, Wirtembergæ &c. Comes Flandriæ, Habspurgi, Tirolis, Barchmonæ, Archois, & Burgundiæ, Comes Palatinus Hannoniæ, Hollandiæ, Selandiæ, Ferreti, Kiburgi, Namurci, Rosfitionis, Ceritanæ, & Zutphaniz, Lantgrauius Alsatiz, Marchio Burgoniæ Oristani Gotzani, & Sacri Romani Imperii Princeps Sueuiz Cathalaniz, Asturiæ, Dominus Phrisiæ, Marchiæ Sclauonicæ, Portus Naonis, Biscayæ, Molinæ, Salinarum, Tripolis, & Mechliniz, &c.

Notum facimus tenore præsentium vniuersis, Tameñ si omnes & singulos Sacri Romani Imperii subditos & fideles gratia & beneuolentia prosequi consueuerimus, Illos tamen præcipue singulari munificentia & liberalitate fauoribusq; specialibus afficere debemus, Quorum studium, ac disciplina, & Imperii ornamento, & comitiū Reipub. commodo destinatur, Vt nostro munere gaudentes otio & quiete speraros de ipsis fructus commodius præstare possint, Hinc est quod cum Maiestati nostræ Procuratores & Scholastici legumq; professores Nationis Germanicæ, humili debitaq; instantia supplicarint Quatenus ipsorum Collegium & Statuta Scholarium Iuris Germanicæ Nationis Bononiæ, confirmare, & sequentes articulos innouare, roborare ac de nouo concedere, videlicet quod ii qui præ sunt potestati & auctoritatem Iudicandi inter eos, qui in illo Collegio continentur habeant, Et quod externus, aliiq; si quem è Collegio conuenire veller ei necessesse esset coram Magistratibus Collegii experiri, Etiam quod Rector aut Syndicus cessante Collegii Germanici magistratu eam Iurisdictionem ad se transferre non posset, Deinde vt illi de Collegio nul

li ex vniuersitate, siue Rectori vel Sindico præterquam suis Magistratibus sacramento obstringerentur, & quod Magistratus quos procuratores vocat, proximū post Rectores Vniuersitatis & Epōs, Principes Prothonotariosq; Apostolicos, locū tum in publicis tum in priuatis actionibus teneant quemadmodum hæc omnia olim in vsu habuerunt, & vetustate, tempotisq; diuturnitate, fuerunt corroborata, Necnon ipsum Collegium in nostri & Imperii Sacri protectionem & saluiguardiam recipere, præterea Procuratores illius Palatinatus priuilegio ornare, ipsisq; Arma ferendi sicuti Vniuersitatis, Rector habet ius & facultatem concedere & elargiri gratiosius dignaremur, Nos igitur huiusmodi supplicationi benignius annuentes attendentes etiā quod talia Statuta iustissimis ex causis sunt nata & vt ampliori nostra munificentia laudabilium Studiorū profectus opportune iuuetur, motu proprio, ex certa scientia, deliberate, & consulo, auctoritate nostra Romana Cæsarea præfatum Collegium Scholarium Iuris Germanicæ Nationis Bononiæ approbantes omnia & singula eorum supra narrata statuta & priuilegia quæ longe retroactis annis laudabili consuetudine obseruata fuere, Et tandem per successum vetustatemq; temporum, cum insuper bellorum, tum ciuiliū discordiarum causa, deperdita consumptaq; extiterant, Ratificamus, Innouamus confirmamus & de nouo concedimus, & insuper singulari nostra benignitatis gratia præfatum Collegium Germanicæ Nationis ac Procuratores & Scholasticos, vna cum eorum bonis ac rebus Bononiæ existentibus in specialem nostram & Imperii Sacri protectionem, tuitionem & saluiguardiam recepimus & assumpsimus tenoreq; præsentium assumimus & recipimus gratiosius atque præfatos Collegii Germanici Procuratores pro tempore existentes, scilicet quo in officio sunt vt ad munus suum procuracionemq; libentius obeundam insigniori ornamento alliantur, motu proprio ex certa scientia, sano consilio & imperialis plenitudine potestatis, Sacri Lateranensis Palatii, aulaq; nostræ & Imperialis Consistorii Comites fecimus, creauimus, ereximus, nobilitauimus, extulimus, & tenore præsentium facimus, creamus, erigimus, nobilitamus, & gratiose insignimus, Decernentes & hoc Imperiali statuente edicto, vt ipsi in antea, quo tempore in prædicto officio fuerint omnibus priuilegiis iuribus immunitatibus honoribus consuetudinibus & libertatibus frui debeant & gaudere, quibus Lateranensis Palatii Comites hætenus frui sunt, seu quo modoque potiuntur consuetudine vel de iure. Quiq; possunt & valeant facere & creare Notarios, seu Tabelliones, & Indu-

ces ordinarios, ac vniuersis personis, quæ dignæ, habiles & idoneæ sunt, Notariatus seu Tabellionatus & iudicatus ordinarii officium concedere & dare, & eos hæc eorū quælibet auctoritate Imperiali de prædictis per pennam & calamarium pro vt moris est inuestire, Dum tamen ad praticam & executionem habiles & Idoneos inuenierint, super quo eorum conscientias oneramus, dummodo tamen ab ipsis notariis publicis seu tabellionibus & iudicibus ordinariis ab ipsis faciendis, & creandis, ut permittitur & eorū quolibet vice & nomine nostro ac Sacri Imperii & pro ipso debitū fidelitatis recipiant corporale & proprium iuramentum in hunc qui sequitur modum, videlicet quod erunt nobis & Sacro Romano imperio & omnibus successoribus nostris, Romanorū Imperatoribus & Regibus legitime intrantibus fideles, nec vnquam erunt in consilio vbi nostrum periculum tractetur, sed bonum & salutem nostram defendent & fideliter promouebunt, damna nostra pro sua possibilitate auerrent, præterea instrumenta tam publica quam priuata, vltimas voluntates, quæcunque iudiciorum acta, & omnia alia & singula quæ illis, & cuiuslibet ipsorum ex debito dictorum officiorum fienda occurrent, vel scribenda, iuste, pure, fideliter, omni simulatione, falsitate, machinatione & dolo remoris, scribent, legent, & facient non attendendo, odium, pecuniam, munera vel fauores, aut alias passionis, scripturas vero quas debebunt in publicam formam redigere, in membranis mundis non carris abasis neque papiis fideliter conscribent facient atque dictabunt Cauias Hospitalium & miserabilium personarum, necnon pontes & straras publicas pro viribus promouebunt, sententiasque & dicta testium donec publicata fuerint & approbata fideliter retinebunt & omnia alia & singula recte & iuste facient quæ ad dicta officia quomodolibet pertinebunt consuetudine vel de iure, quodq; huiusmodi Norarii publici, seu Tabelliones & iudices ordinarii per ipsos creandi & faciendi possint per totum Romanum Imperium, & vbi libet terrarum facere, scribere & publicare, contractus, instrumenta, vltimas voluntates, decreta, & auctoritates, interponere in quibuscunque contractibus requirentibus illa vel illas, ac omnia alia facere, exercere & publicare: quæ ad dictum officium publici notarii seu tabellionis & iudicis ordinarii pertinet & spectare noscuntur. Insuper eadem auctoritate ex certa scientia, motuque simili eisdem procuratoribus concedimus & elargimur, quod possint & valeant legitimare naturales, bastardos, spurios, Manseres, nothos, incestuosos copulatiue vel disiunctiue, aut ex quocunque illicito & damnato coitu procreatos siue procreandos, viuentibus vel mortuis eorum parenti-

bus, Illustrium tamen Principum Comitum Baronumq; filiis dun-
taxat exceptis, & eos ad omnia iura legitima restituere & redu-
cere omnemq; genituræ maculam & quemlibet alium defectum
penitus abolere, ipsos restituendo ad omnia, & singula iura suc-
cessionum, & hereditatum bonorum paternorum & maternorum,
feudalium & emphyteuticorum etiam ab intestato cognatorum &
agnatorum honores & dignitates & ad quoscunque alios actus le-
gitimos ac si essent de legitimo matrimonio, vt supra dictum est,
nati, dummodo legitimatiores huiusmodi per eos, vt præmittitur
fiendæ non præiudicent filiis legitimis & heredibus, non obstan-
tibus in prædictis quibuscunque legibus, decretis, statutis, consue-
tudinibus & aliis quibuscunque in contrarium facientibus, quibus
omnibus & singulis, motu proprio ex certa scientia de plenitudine
nostræ potestatis in quantum huic nostro indulto contraueniant
vel quouis modo contrauenire vel obstare possint, pro hac vice de-
rogamus & derogatū esse volumus. Vterius etiam eadem aucto-
ritate memoratis procuratoribus Collegii Germanici concedimus
& elargimur facultatem & ius ferendi Arma seu Inses tam duran-
te eorum officio procuraturæ quam cessante, donec vterque eorum
in dicto studio seu Ciuitate Bononiensi extiterit, quemadmodum
Vniuersitatis Rector habet, mandamus igitur omnibus & singulis
nostris & Imperii Sacri fidelibus & subditis dilectis cuiuscunque
status, gradus, præminentie & conditionis fuerint vt supradicta
omnia inuiolabiliter obseruent, & ab aliis obseruari faciant. Nul-
li ergo hominum liceat hanc nostræ ratificationis, confirmationis,
innouationis, roboris, de nouo concessionis, Privilegii gratiæ in-
dulti paginam infringere, vel ei quouis ausu temerario contraire,
sub nostra & Imperii indignatione & poena Quinquaginta Marcha-
rum auri puri totiens quotiens contrafactum fuerit. Quarum me-
dietatem Imperiali nostro fisco seu ærario, reliquam vero partem
iniuriæ passæ siue passorum vsibus decernimus applicandam, harū
testimonio litterarum manu nostra subscriptarum, & sigilli nostri
appensione munitarum. Datum Bononiæ die Vigesima quinta
Mensis Februarii, Anno Domini Millesimo Quingentesimo Trige-
simo, Imperii Decimo, ac aliorum Regnorum nostrorum Decimo
quinto.

DIPLOMA SVMMI PONTIFICIS
PII IIII.

ACRI Apostolatus ministerio meritis licet
imparibus diuina dispositione præfidentes ad
ea libenter intendimus per quæ literarum stu-
dia, vt pote communi Reipublicæ commodo de-
stinata, per quæ præciosum acquiritur sapientiæ
donum; vndiq; floreat & augeantur, & quæ eis
& eorum Collegiis ac Scholaribus proinde
concessa dicuntur, vt illibata persistant, & salutarem pertingant
& consequantur effectum; libenter cum à nobis petitur apostolico
munimine roboramus & alias desuper disponimus, prout rerum,
temporum personarum & Nationum qualitatibus pensatis conspi-
cimus in domino salubriter expedire. Sanè pro parte dilecto-
rum filiorum nobilium virorum Gasparis Vdalrici Comitis de Re-
instein, & Domini in temporalibus de Blanckemburg, Necnon
Caroli à schuendi Procuratorum Collegii Scholarium nationis
Germanicæ in vtroque iure Bononiæ studentium nobis nuper exhi-
bita petitio continebat. Quod licet aliàs postquam pro parte tunc
Procuratorum Collegii Scholarium huiusmodi claræ memoriæ Ca-
rolo Quinto olim Romani Imperatori semper Augusto tunc in hu-
manis agenti supplicato, quatenus sua Maiestas dictum Collegium
& illius statuta confirmare dignaretur. Idem Carolus Impera-
tor volens Romani Imperii subditos & fideles gratia & beneuo-
lencia prosequi, & illos præcipuè, quorum studium, & disciplina
eidem Romano Imperio ornamento & communi Reipublicæ cõ-
modo destinabantur, singulari munificentia & liberalitate fauo-
ribusq; specialibus prosequi, ac laudabiles studentium profectus
iuuare, huiusmodi supplicationibus inclinatus auctoritate sua Cæ-
sarea approbando & confirmando dictum Collegium, antiqua il-
lius statuta & priuilegia, quæ longè retroactis annis fuerant lauda-
bili consuetudine obseruata, quamuis postea vetustate temporum
consumpta, insuper & bellorum & discordiarum civilium causa
vel aliàs deperdita inter alia continentia. Quod ii, qui præerant
potestatem & auctoritatem ius dicendi inter ipsius Collegii Scho-
lares seu personas haberent. Externi autem aliinè siquem Scho-
larium huiusmodi conuenire voluissent, illum coram magistratibus
ipsius Collegii, quos Procuratores dicunt, in ius vocare seu cum
eo experiri deberent. Ita quod Rector aut syndicus Vniuersitatis,
Audii Bononiensis cessante Collegii Germanici huiusmodi magi-
stratu

stratu iurisdictionē in ipsos de dicto Collegio ad se transferre non
posset, deinde vt ipsi de dicto Collegio Germanico nulli ex dicta
vniuersitate etiam illius Rectori, vel syndico huiusmodi, præter-
quam eorum magistratui huiusmodi sacramento obstringerentur.
Quodq; magistratus seu Procuratores Collegii huiusmodi proxi-
mum post Rectores dictæ Vniuersitatis, necnon Episcopos Prin-
cipes, Prothonotariosq; apostolicos locum tam in publicis quam
in priuatis actibus tenerent, quemadmodum hæc omnia antea in
vsu habuerant, eademq; vetustate, ac temporum diuturnitate ro-
borata fuerant, ratificauerit, innouauerit, & de nouo concesserit.
Et insuper singulari benignitatis gratia sua eosdem Collegium &
Procuratores ac Scholares vnā cum eorum bonis & rebus Bono-
niæ existentibus in specialem suam & eiusdem Imperii proteccio-
nem, tuitionem, & saluiguardiam receperit & assumpserit. Nec-
non præfatos procuratores pro tempore existentes scilicet tandiu
quamdiu in huiusmodi officio existerent, vt ad munus suum Pro-
curationemque libentius obeundam insigniori, ornamento allice-
rentur: Motu proprio & ex certa sua scientia & imperialis pleni-
tudine potestatis Sacri Lateranensis Palatii aulæque suæ Cæsareæ
& Imperialis consistorii Comites fecerit, creauerit, nobilitaue-
rit, & erexerit, decreueritque, & Imperiali statuerit edicto, vt ipsi
ab illa hora inantea, quamdiu in dicto officio essent, omnibus pri-
uilegiis, iuribus immunitatibus, honoribus, consuetudinibus & li-
bertatibus, quibus Lateranensis Palatii Comites eatenus potiti
fuerant, seu quomodolibet potiebantur de consuetudine vel de iure
vti, potiri, & frui possent. Ita quod ad eorum instar Notarios
seu tabelliones & Iudices ordinarios creare & facere, ac vniuersis
personis, quæ dignæ, habiles, & idoneæ essent, Notariatus seu ta-
bellionatus & iudicatus ordinarii officia concedere & dare, eosq;
& eorum quemlibet auctoritate Imperiali de prædictis per pen-
nam & calamare. Recepto tamen ab eis debito fidelitatis in simili-
bus præstari solito iuramento (prout moris est) inuektire, dumta-
men eos ad praticam & executionem habiles & idoneos inueni-
rent, super quo eorum conscientias onerauit. Necnon Naturales
bastardos, spurios, nothos incestuosos copulatiuè vel disunctiue
ex quocunque illicito & dannato coitu procreatos seu procrean-
dos, viuentibus vel mortuis eorum parentibus, illustrium tamen
Principum, Comitum, Baronumque filiis duntaxat exceptis, le-
gitimare, eosque ad omnia iura legitima restituere & reducere,
omnemque genituræ maculam & quemlibet alium defectum pe-
nitus abolere, ipsosque ad omnia & singula iura successionum &

hæ-

hæreditatum, bonorumque paternorum & maternorum, feudali-
um & emphiteoticorum, etiam ab intestato cognatorum & agna-
torum honores & dignitates, & ad quoscunque alios actus legiti-
mos, acsi essent de legitimo matrimonio procreati restituere, dum
modo legitimaciones huiusmodi per eos, vt præmittitur, fiendæ fi-
lius legitimis & hæredibus non præiudicarent, libere & licite va-
lerent. Et insuper præfatis Procuratoribus dicti Collegii Germa-
nici deferendi arma seu enses tam durante eorum officio procura-
torio quàm cessante donec ipsi vel alter eorum in dicto studio seu
Ciuitate Bononiensi degeret ad Rectoris dictæ Vniuersitatis in-
star licentiam & facultatem respectiue concesserit & elargitus fue-
rit. Et postmodum scilicet recordationis, Clemens VII. & dein
de Paulus tertius, necnon Iulius tertius Romanorum Pontifices
prædecessores nostri præmissa omnia & singula præfatis Collegio
& illius Procuratoribus ac Scholaribus apostolica autoritate sub
certis modo & forma confirmauerint seu confirmari concesserint,
prout in singulis tam prædictorum apostolicis forsan, quàm Ca-
roli Imperatoris prædictorum imperialibus desuper confectis li-
teris seu supplicationibus eisdem prædecessoribus porrectis, signa-
tis plenius continetur. Et quamplures dictæ Nationis Scholares
dulcedine gaudendi priuilegiis huiusmodi allekti ad Ciuitatem
prædictam indies confluant, illaque ex hoc reddatur illustrior, &
non modicum sentiat commodum. Necnon Scholares ipsi quo-
tiescunque Rector dictæ Vniuersitatis consilium conuocat seu Se-
natum habet in eo spontè & voluntariè non minorifide & diligen-
tia, quàm illi, qui ad hoc iuramento, necessitate adiguntur, tanquam
membra præfate Ciuitatis compareant, suaque munera & officia
libenter & fideliter obeant, & in possessione pacifica vel quasi ho-
rum præmissorum omnium fuerint & sint de præsentis. Attamen
vt illa eò firmiorem obtineant roboris firmitatem, quò apostolicæ
sedis patrocinio sæpius fuerint communita, Gaspar & Carolus
Procuratores Collegii Nationis huiusmodi certa spe ducti, quod
nos non minoribus quàm fecerint Carolus quintus Imperator, ac
Clemens & Paulus, necnon Iulius prædecessores præfati. Verum
eorum vestigiis inherendo amplioribus nostris & eiusdem sedis
eos, ac Collegium & illius Scholares huiusmodi amplexuri sumus
muneribus gratiarum desiderant, pro potioris cautelæ suffragio,
& vt firmitus obseruentur, ea omnia ipsis & eorum successoribus,
etiam per nos approbari. Nos qui huiusmodi literarum studia
& Scholarium Collegia nostris potissimum temporibus ubique in-
ualefcere sincero desideramus affectu, præfatos Gasparem & Ca-
rolum

rolum & eorum quemlibet à quibuscumque excommunicationis, suspensionis & interdicti aliisque Ecclesiasticis sententiis, censuris & poenis à iure vel ab homine quavis occasione vel causa latis, si quibus quomodolibet innodati existunt ad effectum ad præsentium duntaxat consequendum harum serie absoluentes & absolutos fore censentes; ac singularum literarum prædictarum tenores præsentibus pro expressis habentes eorundem Gasparis & Calori Procuratorum supplicationibus & piis desideriis in hac parte inclinanti, approbationem, confirmationem, ratificationem, innouationem nouam concessionem, creationem, nobilitationem, decretum, statutum, facultatem, & elargitionem Caroli Imperatoris, necnon alias confirmationes cōcessiones Clementis, Pauli, & Iulii prædecessorū huiusmodi, & singulas illorū literas prædictas, ac prout illas concernunt præmissa & alia omnia in eis ac etiam dictis supplicationibus contenta & inde secuta quacunque Apostolica auctoritate prædicta tenore præsentium ex certa scientia approbamus & confirmamus, illisque perpetuè & inuiolabilis firmitatis robur adiciamus, ac omnes & singulos tam iuris quam facti defectus siqui forsitan interuenerint in eisdem supplemus & illa omnia ualere necnon ualida & efficacia existere, suosque plenarios effectus integrè fortiri & inuiolabiliter obseruari debere. Ipsosque nunc & pro tempore existentes procuratores illis omnibus liberè uti & gaudere & desuper ullo unquā tēpore à quoquā molestari, perturbari, aut inquietari non posse neque debere decernimus. Et pro potiori cautela, Collegiū Scholariū Germanicę nationis huiusmodi, quatenus opus sit de nouo, auctoritate & scientia similibus perpetuò erigimus. Et sub eiusdem nostra & successorum nostrorū Romanorū Pontificum & Beati Petri & Sedis prædictę protectione suscipimus; & eidem sedi immediatè subiicimus ac nunc & pro tempore existentes procuratores præfatos Sacri Palatii Comites etiam cum potestate dicta auctoritate apostolica similiter quascunque personas, quę sufficientis literaturę, ac in practica sufficientes & idoneę fuerint Notarios publicos & tabelliones ac Iudices ordinarios. Recepto prius ab eis debitę fidelitatis & aliās in forma solito iuramento creandi, faciendi, & constituendi, ac de Notariatus, tabellionatus, & iudicatus ordinarii officiis supradictis per pennam & calamare aliās, ut moris est, inuestiendi cum facultatibus solitis. Et insuper sine præiudicio venientium ab intestato naturales, bastardos, spurios, nothos, incestuosos, & alios supradictos, ut præfertur, procreatos & procreandos viuētib; vel mortuis eorum parentibus ac filiis legitimis & naturalibus, ac alijs ab intestato

statò succedere debentibus extantibus vel non extantibus ad id
Citari vel non Citari aliàs, vt præfertur, legirimandi, restituendi,
reducendi, ac maculam & defectum prædictos ab eis tollendi
& abolendi ac eos ad iura, successiones, hæreditates, dignitates &
officia secularia, publica, priuata, ac alia præmissa vt præfertur, re-
stituendi de nouo facimus, creamus & nobilitamus, aliaque omnia
& singula præmissa prout suprà, eis innouamus, ac de nouo modo
& forma præmissis concedimus. Quodque pro salubri directione,
gubernio & manutentione Collegii Nationis prædictæ tam il-
lius Procuratoribus quàm Scholaribus nunc & pro tempore exis-
tentibus, quæcunque statuta, ordinationes, constitutiones & de-
creta sacris canonibus non contrariantia condendi ac edendi. Il-
laque postmodum seu iam condita & edita mutandi, alterandi, re-
formandi, & si videbitur annullandi & alia faciendi & constituen-
di. Quæ postquam condita, edita, mutata, alterata, reformatà,
annullata & constituta fuerint. Cum omnium iuris & facti de-
fectuum, si quos tunc interuenire contingat in eisdem suppletionem
prædicta auctoritate apostolica eo ipso confirmata & approbata
ac roborata, validaque & efficacia sint, & esse censeantur, suosque
plenarios effectus sortiri & ab omnibus, quos illa concernunt &
concernere poterunt quomodolibet in futurum inuiolabiliter ob-
seruari debeant. Decernentes ita per quoscunque Iudices quauis
auctoritate fungentes sublata eis quauis aliter iudicandi & inter-
pretandi facultate & auctoritate iudicari & diffiniri debere, irritum
quoque & inane si secus super iis a quoquã quauis auctoritate scie-
ter vel ignoranter contigerit attentari. Et insuper eisdem moder-
nis & pro tempore existentibus procuratoribus vnũ quem è Scho-
laribus dicti Collegii pauperem esse, & nihilominus præuiis locu-
brationibus studio vtriusque vel alterius iuris operam diligenter
nauasse, adeo vt ad Doctoratus vel licentiaturæ gradum in vtroque;
vel altero iurium huiusmodi assequendũ se reddiderit idoneum sci-
uerint, vt ex amara literarum radice dulces aliquos recolligat fru-
ctus, & ne vnde sumptus & expensas, quos in dicta vniuersitate
graduandos necessariò ibidem subire oportet non habens condi-
gno frustretur honore, pro tempore Collegio Doctoribus & aliis
Collegialibus prædictæ Vniuersitatis, qui illum solito more præ-
cedente examine præuio idoneum & sufficientem repertum, ad in-
vtroque vel altero iurium huiusmodi, in quibus seu quo tunc studue-
rit Doctoratus vel licentiaturæ gradum absque aliqua impensa ac
regalium seu iurium propterea debitorum & quomodolibet solui
seu etiam donari consuetorum solutione, & aliàs gratia ubique

D pro-

promouere & doctorem seu licentiatum facere, creare, constituere, & ordinare, siuique doctoratus seu licentiatuæ consueta insignia cum solitis facultatibus concedere teneantur & debeant doctorandum vel licentiandum, & ad præmissa omnia admitterendum, præsentandi & nominandi, omniaque & singula alia in præmissis & circa ea quomodolibet necessaria & opportuna faciendi & excecendi, quæ in præmissis & circa ea necessaria fuerint seu quomodolibet opportuna plenam licentiam & liberam facultatem & auctoritatem concedimus & indulgemus. Mandantes dilectis filiis modernis & pro tēpore existentibus prædictæ Ciuitatis Bononiensis legato sub excōmunicationis aliisq; Ecclesiasticis sententiis, censuris, ac quingentorū ducatorū auri poenis totiens, quotiens præmissa nō obseruauerint, adimpleuerint & executi fuerint, siue adimplere & exequi distulerint vel eis nō paruerint, per nō obseruantes adimplentes & exequentes, seu differentes vel non parentes incurrendis pro vna Cameræ Apostolicæ, & altera medietatibus pecuniariæ poenæ huiusmodi præfato Collegio irremissibiliter persoluentis Vicelegato, Gubernatori, ac prædictæ Vniuersitatis Rectori, Syndico, Doctoribus & aliis Collegialibus, & aliis ad quos spectat & spectabit quomodolibet in futurum. Quatenus dictis procuratoribus & Scholaribus nunc & pro tempore existentibus efficacis defensionis præsidio assistentes, præmissa omnia & singula inuiolabiliter obseruent & ab omnibus etiam sub censuris & poenis prædictis obseruari. Ac pauperem promouendum pro tempore præsentatum siue nominatum huiusmodi absque regalium aliorum ue iurium solutione huiusmodi, & alijs gratis sic vt præmittitur graduari siue doctorari aut licentiarum faciant. Non permitte-
ntes tam Procuratores & Scholares quam graduandum seu præsentatum aut nominatum huiusmodi, aut eorum aliquem super præmissis, aut eorum aliquo per quoscunque quomodolibet indebitè molestari, inquietari vel perturbari inuocato etiam ad hoc si opus sit, auxilio brachii secularis. Non obstantibus præmissis, & quibusuis Apostolicis ac prouincialibus & synodalibus constitutionibus & ordinationibus, ac quacunque litis Pendentia seu molestia super præmissis vel eorum aliqua forsā hactenus orta & pendente indecisa. Necnon Ciuitatis & Vniuersitatis prædictæ statutis & consuetudinibus etiam municipalibus etiam iuramento confirmatione Apostolica, vel quauis firmitate alia roboratis, priuilegijs quoque indulsis & literis Apostolicis illis ac Legato, Vicelegato, Gubernatori, Rectori, Syndico, Doctoribus & aliis præfatis sub quibuscunque verborum formis & tenoribus ac cum quibus-